

Thailand dan Myanmar menandatangani memorandum persefahaman (MOU) untuk membolehkan pekerja asing dari Myanmar bekerja secara sah di Thailand



MOU tersebut ditandatangani pada 13 Februari 2016 di Mesyuarat Teknikal Thailand - Myanmar, yang diadakan di Heritage Pattaya Beach Resort di wilayah Chon Buri. Rombongan Thailand diketuai oleh Ketua Pengarah Jabatan Pekerjaan, Kementerian Tenaga Kerja, Tuan Arak Prommanee. Pihak Myanmar diketuai oleh Ketua Pengarah Jabatan Tenaga Kerja, Kementerian Tenaga Kerja, Pekerjaan, dan Keselamatan Sosial, U Myo Aung.

Tuan Arak mengatakan bahawa pertemuan itu bersetuju untuk menetapkan garis panduan bagi mengatur pekerja migran Myanmar yang datang bekerja di Thailand. Kedua-dua pihak akan melancarkan kempen perhubungan awam untuk memaklumkan pekerja-pekerja tentang perbelanjaan yang diperlukan, seperti bayaran visa, untuk menghalang mereka daripada dieksploitasi.

Kerajaan Thailand memberikan penekanan yang besar untuk mengurangi kelemahan rakyat terhadap perdagangan buruh dengan mendorong pengambilan pekerja migran melalui MOU dengan Myanmar, PDR Laos, dan Kemboja. Ini juga akan membantu menangani eksploitasi buruh dan perdagangan manusia. Walau bagaimanapun, matlamat utama bukan sahaja untuk menamatkan eksploitasi buruh dan penyeludupan manusia, tetapi juga untuk memastikan bahawa pekerja asing menerima hak-hak mereka, persekitaran kerja yang baik, keselamatan kerja, perlindungan sosial dan kebajikan.

Arak mengatakan bahawa perbincangan mengenai import buruh di Mesyuarat Teknikal Thailand - Myanmar diakhiri dengan jayanya. Kedua-dua pihak bersetuju untuk bertukar maklumat pekerja untuk membantu dalam pengurusan buruh dan mencegah pelbagai masalah yang mungkin timbul.

Beliau berkata bahawa Myanmar akan mempercepat proses Sijil Pengenalan dan pengeluaran dokumen untuk pekerja Myanmar, supaya mereka akan dibenarkan untuk bekerja secara sah di Thailand. Myanmar juga mencadangkan agar menubuhkan enam pusat pengesahan kewarganegaraan di Thailand untuk mempercepat prosesnya.

Tuan Arak berkata cadangan itu perlu dikemukakan kepada Jawatankuasa Dasar Mengenai Pekerja Asing dan Perdagangan Manusia untuk dipertimbangkan. Jika Thailand meluluskan cadangan itu, Myanmar dijangka selesai melengkapkan pengeluaran dokumen pengenalan untuk pekerja asing dari Myanmar di Thailand dalam tempoh enam bulan.

Kini terdapat 600,000 pekerja Myanmar di Thailand. Dari jumlah ini, hanya 250,000 yang dilindungi oleh sistem buruh. Para pekerja harus memasuki proses Sijil Pengenalan untuk diselaraskan melalui pengeluaran pasport Myanmar, visa Thailand, dan permit kerja.

Thailand mempunyai dasar untuk membawa pekerja asing tanpa izin ke system buruh dengan mendaftarkan mereka bagi memastikan bahawa mereka akan dilindungi mengikut prinsip-prinsip hak asasi manusia.